



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 20. Græcorum dissensio circa unionem.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. XX.

Sæcul. XV.
A.C. 1439.*Græcorum dissensio circa unionem.*

Fervebant non minus acres, quam diurnæ inter Græcos disceptationes, & diffidentium animos in unam cogere sententiam, non exigui laboris res erat. *Conc. Gener. to. 13. p. 467. & seq.*
In unam, inquit Actorum Concilii Scriptor, *ivimus sententiam Præsules numero decem, qui sunt hi: Ruthenus, Nicænus, Lacedæmonius, Mitylenensis, Rhodius, Nicomediensis, Distrensis, Gannensis, Dramensis, & Melenicensis Episcopi.* Ex quibus inferri posse videtur, quod ipse Melenicensis fuerit eorundem Actorum scriptor, qui sese ultimo loco numeravit, quamvis ei in subscriptionibus Dramensis postponatur, qui hic priori loco recensetur. Subdit idem, ejusdem cum ipsis sententiæ fuisse Gregorium Patriarchæ Alexandrini Vicarium, necnon Pachomium Abbatem. Accessisse postea Præsules Cyzicenum & Trapezuntinum, præter Heracleensem, & alium quemdam Episcopum, quorum ille secundus Alexandrini, hic vero olim unioni vehementissime repugnans Hierosolymitani Patriarchæ Vicarii erant. Imperator cum eos, qui Latinorum causæ accedere, & unionem exoptare videbantur, & numero & animo indies crescere cognosceret,

ret,

Sæcul. XV. ret, tertia die Junii omnes ad Patriarchæ domum convocari jussit, ut suam quisque sententiam rogatus diceret.

A. C. 1439

§. XXI.

Congressus in domo Patriarchæ.

Patriarcha ceterorum primus hunc modum sententiam tulit, quam sanctorum Patrum aliqui asserant Spiritum Sanctum procedere ex Patre, & Filio, alii ex Patre per Filium, cumque vox per *Filium* æquivalet termino *ex Filio*, ego tamen ommissa voce *ex Filio* dico, quod Spiritus Sanctus ex Patre per Filium eternaliter, & substantialiter tanquam ex uno principio, & causa procedat, ita ut particula *Per* hoc loco significet causam, ex qua Spiritus Sanctus procederet. Postea subjunxit, quapropter Orientalibus accedo, qui asserunt, Spiritum Sanctum ex Patre, & Filio esse, haud tamen existimo, id Symbolo adjiciendum, sed unionem esse faciendam, retentis Græcorum ritibus. Imperator ad particularem questionem non descendit, sed hunc in modum sententiam suam dixit: *Ego presentem hanc & generalem Synodum nulla ex parte inferiorem existimo omnibus antehac celebratis, igitur pronuntio, me hujus sacre Synodi constantissime sequi sententiam, quæ in consensu S. Ecclesiam in sacris dogmatibus*